

**Badische Landesbibliothek Karlsruhe**

**Digitale Sammlung der Badischen Landesbibliothek Karlsruhe**

**Historiae ecclesiasticae saeculi ... XVI supplementum**

**Fecht, Johann**

**Francofurti et Spirae, 1684**

**VD17 VD17 3:315948Z**

XVI.

[urn:nbn:de:bsz:31-122751](#)

Quid in Polonis & aliis hujus Arctoëi orbis gentibus hoc anno memorabile acciderit, ex pagellis, Sylvæ Chronicæ addendis cognosces. Cætera ad Clarissimum virum, D. Obrechtum scripsi. Bene vale. Postridie S. Nicolai Patarenensis, Episcopi Myrae in Lycia, qui tempore Concilii Niceni floruit.

David Chyträus.

XV

*S. D. Reverende & clarissime vir, frater carissime.*

Iteras tuas, pridie Bartholomæi datas, unâ cum prioribus, quas Jhenensi tabellario tradideras, accepi. De Chronicæ, ad ipsum Jobinum scripsi. De Carrhussia vestra doceri velin, quid in eam rex Galliae juris antea habuerit, cùm à civibus Argentinensibus primò fundatam fuisse, intelligamus. Quid in orbe hoc Arctoo-superiori anno memorabile evenerit, proximè, si vivam conjunctim mittam. Sed maximè memorabilis & miranda est mutatio Dexteræ excelsi, in ecclesiis Milnæ facta, de qua, ut de morbo Electoris lethali, & quæ sepulturam illius secura sunt, adjunctas narrationes, ab amico fide digno mecum communicatas, tibi & Collegis legendas traito. Neq; enim pluribus scribere hoc tempore, sextam nunc hebdomadam ex Arthuri decumbens, & dextræ manus usu privatus, potui. Doctorem Simonem, ex hac Academia evocatum, secutus est vir optimus & doctissimus M. Johannes Fosselius, de quo Rectoris nostri programma mitto. Decessit etiam juvenis Ebrææ lingue lector, M. Jacobus Bacmeisterus, & præcessit hos omnes D. Levinus Battus, Medicus. Sic quatuor Professores uno ferè semestri amisimus. Nec meæ vitæ meta longius abesse potest. Vetera igitur transibunt, & nova erunt omnia in hæc Academia, utinam meliora. Benè & feliciter vale. Pridie Natalis filii DEI, Domini nostri JESU Christi, ordientis annum 1592. quem tibi & toti Ecclesiæ & Reipublicæ faustum & salutarem ex animo precor.

David Chyträus.

XVI.

*S. D. Reverende & clarissime vir, frater carissime.*

Et si ante mensem literas ad te, Bartholomæo Tiennio, civi nostro, tradidi: tamen huic etiam tabellario Wilhelmo Baumeister, hominipio, ingenioso, & fa-

cul-

cundo, aliquid dandum duxi, ut occasionem cum eo colloquendi haberet. Prae-  
centor fuit ecclesia Augustanae, sub D. Georgio Mylio adhuc florentis. Nunc ex  
Livonia, Moscovia, & Prussia iedux, Lindaviam, ad Lacum Podamicum, profici-  
scitur, ex quo multa de variis rebus, cognitu non injucunda audies. Plura non ad-  
do, cum hujus viri facundiam gratiorem tibi mea balbutie futuram existimem. Be-  
ne & feliciter vale, Rostochii, in eunte Anno 1592. quem tibi, & toti ecclesiae & Aca-  
demiae vestrae fastum & salutarem ex animo precor.

David Chytraus,

XVII.

S.D. Reverende & clarissime vir, frater carissime.

Filium DEI Emanuelem & Servatorem nostrum Jesum Christum, à cuius  
Genethliis, quae æternæ salutis nostræ exordium fuerunt, Anni etiam No-  
vi principium in Ecclesia recens duximus, toto pectori precor, ut Annum feli-  
cem, tranquillum & salutarem Tibi & toti Ecclesiae tuæ domesticæ ac publi-  
cæ tribuat, & nos singulos doceat, gubernet ac servet; ut labores docendi no-  
stri, DEO grati & auditoribus nostris salutares sint. Quas postridie Nicolai,  
ad te literas, dedi Bartholomæo Timmen, civi nostro, eas dudum tibi reddi-  
tas, & jam ad eas responsum esse spero. Meministi autem, serid petere me à  
typographo Jobino, ut in Chronicô nostro, omissâ effigie meâ, primam pagi-  
nam seu Titulum recuderet, eaque de causa Ducatum Portugall, illi à me mis-  
sum esse. Substitui autem volui, in Effigiei locum tribus primis columnis, de  
Sleswicensi Ducatu narrationem, cuius prima verba seu faciem primam, quæ-  
so ut secundum adjunctam, & litera B. notatam, paginam, collocari sinas, &  
postea circa medium narrationis Sleswicensis, adverbia, infideliter, fædisfragè  
& proditorie, inducas, & sola ista verba (multasque alias Felonias, ut nomi-  
nant, commiserint) relinquas. In altera etiam Narratione anni MDXC. in  
fine Chronicî addenda, mutes vel inseras ea, quæ in altera pagina, signo A. no-  
tata, ordine annotantur. Oro autem, ne recules tantillum molestiæ meæ cau-  
sâ subire, & operam dare, ut diligenter ac emendatè, duabus primis, & postre-  
mis Chronicî paginis, omnia collocentur. Mea tibi studia & officia vicissim  
in quibusunque voles negotiis defero. De rebus in Gallia post Ducis Parmen-  
sis in eam adventum, proximis mensibus Augusto, Septembri & Octobri gestis,  
binas narrationes typis descriptas mitto, quarum alteram prolixiorem, Daniel  
Rogersius, Reginæ Angliæ Orator, Londino Angliæ, alteram breviores, Ja-  
nus

Y y y 2